



UNIVERSITÄTS-
BIBLIOTHEK
PADERBORN

Universitätsbibliothek Paderborn

Hymni Ecclesiastici Novo Cultu Adornati

Clairé, Martin

Parisiis, 1676

De S. Joannis Decollatione.

urn:nbn:de:hbz:466:1-12077

AD LAUDES.

Quis, Anna, te felicior?
 Quæ mater unquam dignior?
 Quæ labis absque debito
 Fœtu parens fis inclyto.

Longo salutis ordine,
 Est ortus Annæ sanguine,
 Jesus redemptor omnium,
 Laudum seges perennium.

Sit Trinitati gloria,
 Jesus, tibi laus propria,
 Annæ decus propaginis,
 Fili Mariæ virginis. Amen.

IN DECOLLATIONE
S. JOANNIS BAPTISTÆ.

AD VESPERAS,
& Matutinum.

BAPTISTA, vir mirabilis,
 Ortus, sacrisque dotibus;
 Pro castitatis juribus
 Mortis decore nobilis.

ECCLESIASTICI. 127

Christum propinquum sentiens
Intra Mariæ viscera,
Prædicis ante tempora,
In matris alvo gestiens.

Adeſſe præſens indicas
Cunctis palam ſtupentibus:
Limbóque clausis Patribus
Veniffe demum prædicas.

Lucerna factus omnibus,
Præis docens Apostolis:
Ipsis nec impar Angelis,
Cunctis prior mortalibus.

Tibi beata Trinitas,
Joannis ob victoriam,
Et caſtitatis gloriā
Æterna laudum claritas. Amen.

AD LAUDES.

O Mentis æſtus barbaræ!
Hunc, nota cuius sanctitas
Regis necat crudelitas,
Flammâ furens adulteræ.

Vox, prima Christi nuntia,
Conſtricta tetro carcere,
Cadit reſecto gutture,
Perferre crimen nescia.

F iiii

Sed casta quæ vox displicet,
Intemperanti fœminæ,
Fœdo perempta crimine
Cessit quidem, non conticet.

Nam fama manat criminis;
Joannis innocentiam,
Herodis inclemantium,
Vox clamat ipsa sanguinis.

Tibi, beata Trinitas
Joannis ob victoriam,
Et castitatis gloriam,
Laudum perennis claritas. Amen.

DE SANCTO MARTINO.

AD VESPERAS,

& Matutinum.

O RBE qui, Præfus, celebraris
omni,
Omnium votis & honore dignus,
Te pœx mentis studio perenni

Hic canit hymnus.

Vestibus donas propriis egentem,
Dum riget totis fera bruma castris,
Quas ad ornatum sibi vult decentem
Christus in astris.